



Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. 2. Quot sint Ordines, & vnde petatur eorum numerus?

[urn:nbn:de:hbz:466:1-47105](#)

Mitto cætera, quæ eam in rem fusius inter se dis-
putant Theologi.

²⁰ Quis autem è septem ordinibus in Sacramentis
reponendus sit? Alterius est fori, & scholæ Theolo-
gicæ, cui relinquo; quia h̄c nō ago Theologum, sed
ea tantum quæ ad mores conducunt, sequor; id ta-
men affirmo paucis; quod communi Doctorum
calculo constitui solet.

Sacerdotium, Diaconatum, & Subdiaconatum
esse Sacra menta, ideoque inter maiores, & sacros
ordines numerari.

De alijs autem sua sit inter Theologos lis, atque
contentio, ego in præsentia ijs consultò supersedeo;
quia ad meum institutum nihil conferre videntur.

§. 2

*Quot sint Ordines, & unde petatur
eorum numerus?*

Communis Doctorum sententia septem re-
censet hac serie. Ordo Sacerdotij, Diaconatus,
Subdiaconatus, Acolyti, Exorcistæ, Lectoris, Ostiarij.

Si ex me quæras unde desumatur ea series, is nu-
merus ordinum? audies quod in quæstione non
absimili olim Iudei audierunt. Agitabatur inter fi-
deles ea quæstio, deberentne gentiles Christiani
circumcidiri, legemque Moysis obseruare? coactum
super ea re Ierosolymis concilium, anno à Passione

M

Christi

90 SPECVLVM ECCLESIA STICORVM,
Christi decimo sexto. Ei præerat D. Petrus Ecclesiæ
Princeps, & caput; aderat Diuus Iacobus Hierofo-
lymitanae vrbis Episcopus; aderat & Paulus vas
electionis, qui hoc D. Petri effatum è Cathedra ve-
Act. 15.
v. 28. ritatis extulit. *V*isum est Spiritui Sancto, *U*nus nobis ni-
bil ultra imponere vobis oneris.

Et hoc Ecclesiæ Petriqué pronunciatum Antio-
chiam retulit Paulus, & Barnabas, cui illicò omnes
velut oraculo de Cœlis emissō acquieuerunt.

Et tu pariter acquiescas est necesse, vbi intellexe-
ris Ecclesiam, quæ diuinæ sapientiæ specula, fidei
sedes, columna & firmamentum est veritatis, se-
ptem omnino ordines recensere. Vbi animo me-
mori, oculo etiam, si voles, ingressus fueris augu-
stum illud, sacrumque conlaue, seu concilij Car-
thaginensis quarti, seu etiam Tridentini, legeris-
que quid in eo sentiant, quid loquantur euocati è
toto orbe Patres: septem iij ordines numerant, tu si
sapis nec pauciores ama, nec plures sectare: sed in
septenario numero conquiesce: & certè quidni tu-
tus conquiescas: si enim, vt bene arguit Theodorus
Epistola ad Leonem Papam, si, inquam, Paulus
præco veritatis, tuba Sancti Spiritus ad magnum
Petrum concurrit, vt ijs, qui Antiochiae de legalibus
institutis contendebant, ab ipso afferret solutionem:
multò magis nos, qui abiecti sumus, *U*nusilli ad Apo-
stolicam vestram sedem currimus, *vt* Ecclesiarum
vulneribus

MVR AC RELIGIOSORVM. 91
vulneribus medicinam à vobis accipiamus. Vobis
enim per omnia primos esse conuenit.

Si ita saperent hæretici nostri temporis, non ea
inter illos lis foret ac contentio; non eæ cauillatio-
nes, & controuersiarum inexplicabiles labyrinthi,
quibus non euoluitur, sed inuoluitur, imo etiam
obruitur nuda, & simplex veritas, cui testimonium
redderet supremus Iudex, Ecclesiæ caput, & con-
trouersiarum arbiter.

Sed longius elabor ab argumento; ad institu-
tum reuertor, & secundam adjicio rationem, quæ
septem in Ecclesia ordines statuat, & probet. Ea pe-
tetur ex officijs singulorum. Ab infimo ad sum-
mum gradum faciemus. Infimus ordo est Ostiarij,
cuius officium est templum aperire, claudere, cu-
stodire, fideles admittere, repellere infideles, & ali-
qua excommunicationis censura notatos, procul
à sacro limine arcere: hinc ei ab Episcopo tradun-
tur sacræ ædis claves, cum hac graui, & seuera mo-
nitione.

*Sic age, sic viue, quasi redditurus Deo rationem
pro his rebus, quæ his clauibus recluduntur.*

Lectoris munus est legere in nocturnis officijs,
ea quæ è veteri testamento proponuntur. Inde ei
ab Episcopo liber offertur hac verborum formulâ;
quæ ad plures cum fuerint, ita dirigitur.

Accipite, vestote verbi Dei relatores, habituri si

M 2

fideliter

92 SPECVLVM ECCLESIASTICORVM,
fideliter, & utiliter impleueritis officium vestrum,
partem cum ijs, qui verbum Dei benè administraue-
runt ab initio.

Exorcistæ (qui latina voce adiurans , increpans dicitur) incumbit manus super Energumenos imponere, exorcismos Ecclesiæ legere, & dæmones è corporibus, velut ex alienis hospitijs expellere. Ideòque è manu Episcopi librum accipit exorcismorum adiectis ad eum, cæterosq;que hiscc verbis.

Accipite, & commendate memoriæ, & habete potestatem imponendi manus super Energumenos, siue baptisatos, siue Catechumenos.

Acolyto (qui latinè ceroferarius , siue accensor luminum dicitur) hæc imposita cura, vt luminaria ad sacrificium præparet , & teneat : maximè vero cum prælegitur Euangeliū : insuper , & vrceolos cum aqua , & vino Subdiacono tradat; quod vt scđulò faciat , ab Episcopo vnā cum alijs hæc audit.

Accipite ceroferarium cum cereo , & sciatis vos ad accedenda Ecclesiæ luminaria mancipari, in nomine Domini.

Subdiaconi pius in Ecclesia labor est, oblationes in templo Domini à fidelibus factas suscipere, calicem, & patenam ad altare Dei deferre, ideoque calicem vacuum, patenamq;ue de manu Episcopi accipiens audit illud, audiunt & alij.

Videte cuius ministerium vobis traditur , ideo

vos

Vos admoneo, ut ita vos exhibatis, ut Deo place-
re possitis. Vbi hæc exceptit ore Pontificis, tum sa-
cum ab eodem accipit amictum hac verborum
lege.

Accipe amictum, per quem designatur castigatio
vocis, in nomine Patris, & Filij, & Spiritus Sancti.

Tum deinde manipulus in brachium sinistrum
 immittitur, animoque, ac fideli memoriae commit-
 titur monitum illud.

Accipe manipulum, per quem designantur fructus
bonorum operum.

Induitur deinde tunica; illudque haurit auribus.
Tunica munditatis, & indumento latitiae induat te
Dominus.

Denique accipit librum Epistolarum, & dum
 una cum alijs manu tangit; hæc audit.

Accipite librum Epistolarum, & habete potesta-
tem legendi eas in Ecclesia Sancta Dei, tam pro
viuis, quam pro defunctis.

Accessit enim ad officium Diaconi ^{Sub}Epistolæ lec-
 tio, quæ tamen ab eo in primitiua Ecclesia non
 fuit usurpata: sed tum demum cum Diacono Euan-
 gelij lectio est præscripta.

Diaconi (qui hebraicè Leuitæ; latine ministri,
 siue assumpti, siue offerentes appellantur) debent
 ex muneris sibi impositi dignitate, assistere Sacer-
 doti, sacra altaris mysteria peragenti; imo & Euan-

94 SPECVLVM ECCLESIA STICORVM,
gelium populo prælegere. Hinc & illi excipiunt ab
Episcopo hæc verba.

*Accipite potestatem legendi Euangelium in Eccle-
sia Dei, tam pro viuis, quam pro defunctis. In nomi-
ne Domini*

Sacerdotis denique (qui & Presbyteri, id est se-
nioris nomen accepit) officium est, immortali
Deo, ineffabile, sacrosanctum diuinumque sacrifi-
cium offerre, & sacras inter aras corpus, & sanguinem
Christi consecrare, qui ad id muneris, & di-
gnitatis hac ab Episcopo forma initiari solet.

*Accipe potestatem offerre sacrificium Deo, mis-
samque celebrare, tam pro viuis, quam pro defunctis
in nomine Domini.*

Et hec de numero ordinum dicta sunt ex eorum
officijs: subdamus quæ ex alio capite rationes oc-
currunt.

§. 3

*Rationes aliæ deductæ ex mysterijs
numeri septenarij.*

Erit fortasse nonnemo, qui hunc numerum
ordinum referri volet ad ea mysteria quæ in
se complectitur numerus septenarius. Ea fusè, &
operosè deducit Philo Iudæus libro de mundi op-
ficio. Ex illo pauca petemus.

PRIMA